

UGOVOR O POSLOVNOJ SARADNJI

Zaključen dana 24.10.2025. godine između:

1. **Privatna zdravstvena ustanova-Poliklinika "ALTAMEDICA BETA" Sarajevo**, ID broj 4202635120009, sa sjedištem na adresi ul. Zmaja od Bosne broj 7- Importanne Centar, Sarajevo, Novo Sarajevo, zastupana po direktoru Dr. Al-Tawil Dinanu (u daljem tekstu: **Prodavac**)
2. **Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine** (sa sjedištem na adresi Obala Kulina bana 1, Sarajevo), kojeg zastupa **Samir Kurtović**, predsjednik Sindikata, za članove Sindikata (u daljem tekstu: **Kupac**).

Član 1.

Ovim Ugovorom ugovorne strane utvrđuju okvirne uslove poslovne saradnje, odnosno način kupovine robe i/ili usluga iz asortimana koji nudi Prodavac.

Član 2.

Prodavac se obavezuje da će članovima Sindikata, koji kupuju usluge iz prodajnog asortimana Prodavca, omogućiti **gotovinski popust od 20 (dvadeset) %** u odnosu na redovne cijene iskazane u cjenovniku usluga objavljenom na stranici Prodavca, i to na sve usluge osim:

- FNAC, intervencije, tretmane vena, štitnjače, kontrast za CT/MRI, i
- pakete pregleda koji su već na popustu (paket D, ženski, paketi štitnjača,...).

Članovi Sindikata su dužni prilikom korištenja usluga predložiti **važeću člansku karticu Sindikata uz ličnu kartu**, radi dokazivanja članstva i ostvarivanja popusta iz stava 1. ovog člana.

Član Sindikata, na osnovu svoje članske kartice, može ostvariti navedeni popust iz stave 1. Ovog člana i za **još jednu osobu** (supružnik, brat, sestra, roditelj, dijete ili prijatelj/ica korisnika), uz **svoje prisustvo** prilikom korištenja usluge.

Član 3.

Ovaj Ugovor se zaključuje na neodređeno vrijeme, a svaka ugovorna strana ima pravo otkaza Ugovora uz obavezu da pismenu obavijest dostavi drugoj strani najmanje 30 dana prije najavljenog datuma otkaza.

Svaka ugovorna strana ima pravo **raskida ovog Ugovora** ukoliko druga strana ne izvršava neku od obaveza iz Ugovora i bez davanja roka, uz obavezu dostavljanja pismene obavijesti s obrazloženjem o razlozima prekida ugovornog odnosa.

Član 4.

Ovaj Ugovor stupa na snagu **danom potpisivanja**, a važi do dana otkaza ili raskida od strane jedne od ugovornih strana.

Član 5.

Ovaj Ugovor je sačinjen u **četiri (4) istovjetna primjerka**, od kojih po **dva (2)** zadržava svaka ugovorna strana.

PRODAVAC: POLIKLINIKA "ALTAMEDICA BETA" SARAJEVO 2

Br. 80/25
Datum: 24.10.2025. godine



Br. 00-902/25
Datum: 24.10.2025.

Samir Kurtović